




Aruba Bank kier informa di e siguiente metodonan di pago pa e schoolbijdrage pa aña escolar 2019 - 2020

Informacion necesario na momento di pago

- Number di AZV di Studente
- Number y Fam di Studente
- Number di e Sent

Cuenta di Banco: Aruba Bank
 Number di cuenta: Stichting Katholiek Onderwijs Aruba
 Number di cuenta: 6005292

TUR mayor cu paga SKOA Schoolgeld online prome cu 31 di Juli 2019 ta participa pa gana AWG 500.-

Find us on:



www.arubabank.com

Arubabank

Armando Muyale a despedi den e silencio di e warda di honor di Aruba

Na e Conferencia di Mesa Rondo na 1983, Aruba a enfrenta e reto di historia y di mundo. Aruba a exige respet ora su bos a resona pa exige su autonomia den Reino. Aruba tabata por a lanta para pasobra e por a conta cu su warda di honor, Arubianonan dispuesto pa pone nan conocimiento y tur nan energia na interes di nan pais.

Tabata durante e añanan 1983 pa 1986, cu Aruba mester a duna e contesta mas grandi na mundo: Arubianonan tabata prepara y tabata por a carga e responsabilidad pa nan pais

y pa tur institucion cu lo a resorta bou e pais nobo Aruba.

Na e momento decisivo den su historia, Aruba a yama dilanti su warda di honor cu ainda no tabata sa cu e reto mas grandi lo a yega na 1985 ora economia a cay y destrui e situacion financiero di e pais nobo den Reino cu tambe mester a despedi di e diseñador y persona cu a realisa Status Aparte, Betico Croes. Den historia di Aruba ta reina un silencio ora papia di e Warda di Honor di e pais, cu a haci posibel pa e salida for di Teritorio

Insular y entrada pa e Pais Autonomo tuma luga.

E Arubianonan cu a distingui nan mes den e gran labor pa realisacion di e pais nobo cu su propio Banco Central y moneda Arubano y Minister Publico, tabata persona cu a traha den silencio.

Un persona di gran respet pa e forma cu el a entrega su mes na su pais, ta Armando (Mando) Muyale, cu ta identifica su mes directamente cu e cambio estatal di su pais den cual e tabata tin un posicion clave.

Prome cu 1986, Mando

Muyale a sirbi Aruba como Secretario di Teritorio Insular di Aruba loke ta nifica cu e tabata e Secretario di Bestuurscollege y Eilandsraad di Aruba. E tabata e ultimo Arubiano pa ocupa e puestonan, cu a stop di existi na 1986 ora hunto cu Aruba, Armando Muyale a drenta un temporada nobo.

Den e pais nobo, Armando Muyale a bira e prome Secretario di e Consejo di Ministranan y den e posicion aki mester a percura pa e transicion estatal cu su puesto a exige.

E prome dos constelacion



di Consejo di Minister di Aruba por a conta cu Armando Muyale como Secretario, cu nunca a bini dilanti pero a keda parti di e forsa silencioso di e pais nobo.

Awe Aruba ta tuma nota cu Mando Muyale a conclui su labor pa su isla, su pais, su Aruba cu el a sirbi cu alma y curpa.

Un momento di reflexion ta wordo entrega na Aruba pa tuma inspiracion di e warda di honor di Aruba cu a carga e pais na e momento mas dificil di su historia.

E salida di Mando Muyale a manda otro advertencia cu e fundeshi di logronan di Aruba ta cera nan historia na mundo.

Personanan cu ta e realidad, e caranan di nos historia, ta bandona e panorama visibel di nos comunidad.

Hunto cu Aruba, DIARIO ta yama danki na e constructornan di e pais Aruba. Nos condolencia na nan famia y nos gratitud na nos Creador di a entrega Aruba ciudadanonan ehemplar manera Armando Muyale.